

QUÆSTIO MEDICA.

QUODLIBETARIIS DISPUTATIONIBUS

manè discutienda in Scholis Medicorum die Jovis
decimo-octavo Januarii.

M. JOANNE DAVAL,
Doctore Medico, Præside.

An Facultas coëtrix in vigilia vegetior.

I.



NIHIL æternum in concretis rebus; quæque subit mutationis vices. Quæ in unum cogit natura, eadem dissolvit: in hoc mixtorum interitus; in illo ortus positus est. Mixtum quodlibet, solidum vel liquidum. Solidum quiete, liquidum motu servatur: utrumque natura mixto artificio in animantibus, & in humano corpore maritavit; liquida conclusa solidis perenni volvuntur motu, iisque exactâ proportionem respondent: ab his humani corporis structura, ab illis ejusdem functiones. Liquida solidis quasi carcere coercita, quantum possunt, aufugiunt atque avolant, horumque particulas sede dimovent, & secum abripiunt, quæ nisi similibus

A

instaurarentur, tota compages citò corrueret: ejusce
 instaurationis causam, alimentum credas; in cujus fi-
 nu semina quædam unicuique corporis parti affinia
 continentur: occulta jacent, nulliusque sunt usus, nisi
 evoluantur, & à supervacaneis partibus liberentur. Id
 operis in buccâ moliantur dentes, lingua, saliva, in
 ventriculo calor, spiritus, succi digestivi acidiori hu-
 moris melancholici portioni non dissimiles, & ipsius-
 met ventriculi actio: in aliis partibus eadem ferè ac
 in ventriculo reperiuntur; si quid discriminis, illud
 præsertim à peculiari earum conformatione, quâ non
 tantum fit utilium particularum evolutio, sed & inu-
 tilium excretio: id coctionis nomine insignitur, cu-
 jus, quæ allata sunt, proximæ, non principes, causæ
 censcantur; extat nobilior, à quâ vel aguntur vel re-
 guntur: non est ipsa separabilis ab animâ, nec imme-
 ritò Facultas coctrix nuncupatur. Dum illæ utilis adeò
 functionis causæ, calor scilicet, spiritus, succi digesti-
 vi, partiumque organicarum coctionibus inservien-
 tium actiones vegetiores sunt; hæc quoque vegetior
 reputetur.

II.

N IHI L coagmentatum in animâ, nihil extensum:
 nulla inter ipsam & corpus videtur proportio;
 utriusque naturam expendens ea nusquam in se invi-
 cem agere diceres: illorum consociationis lex te ab
 ejuscemodi sententiâ revocet. Ipsa te doceat experien-

tia plurimas in corpore perfici functiones non aliunde, quam ab animâ repetendas; hac siquidem volente,prehendunt manus, incedunt pedes, pulmo linguæque loquuntur, &c. Hæc ne animi nutu & arbitrio? nisi in ipsâ, ea efficiendi inesset virtus; maxima alioquin corpori concessa cognitio, nec minor sanè erga animam ipsi veneratio, quibus illius jussu & ritè caperet & libenter exequeretur! ne dixeris cum seculi philosopho supremum rerum omnium artificem decrevisse, variâ se ratione, pro variis animæ cogitationibus ac voluntate humanum corpus esse moturum; finita enim mens infinitæ arcana perscrutari nequit. Quod si ejuscemodi actiones, quas attendit, qualque jubet anima, ab ipsâ proficiantur; cur non pariter illæ, quas nec attendit, nec jubet? an attentio & voluntas animæ naturam immutant? an quamdam illi cum corpore proportionem largiuntur? an superficies, quibus corpus possit tangere & impellere? Adèd verum est actiones, quas non attendit ab ipsâ etiam procedere, ut, prout variè afficitur, variè paragentur: in gaudio videlicet, cor dilatatur, in omne corpus confestim diffunditur sanguis, rubet facies, micant oculi, ciborum viget appetitus, &c. Contrà in mœrore, stringuntur cordis ostia, sanguis lento incedit gradu, pallescit vultus, flaccescunt oculi, vix appetuntur vix subiguntur cibi, supprimuntur excretiones, omnes tandem corporis functiones aut depravantur, aut hebescent. Modum, quo eas perficit anima, ne inquiras: latet in profundo. In hoc Dei immensum mi-

remur Numen, quo sui imaginem Microcosmi actionum causam esse voluit, ut ipse est Megalocosmi productionum & mutationum effector: quemadmodum enim immotus, ignota nobis ratione, dat cuncta moveri; sic quoque motus expers anima suum commovet corpus. Hujus varium est motionum seu functionum genus, quod varias in animâ vires exigat; harum tamen diversitas à diversis, quibus insidet organis potissimum pendet: non equidem idem potest animus in ventriculo ac in cerebro, & vice versâ. Adverte, ejus potestatem in corpus certis limitibus definiri; ut enim tenuior puriorque ignis certos habet motus calorisque gradus, quibus nonnulla duntaxat mixta agitare & solvere potis est; pari quasi ratione sunt in animo præscripti virium gradus, quibus solidas liquidasque corporis partes cieri regereque possit; ita ut eas facile, omnibus muniis perbelle functurus, commoveat, si crassitudine convenientem modum non excedant; sin minus, nullam ipsius facultatem esse superstitem, aut saltem pondere oppressam crederes: hinc mens in juvenibus micat, in senibus torpet: hinc in variis affectibus, ut in apoplexiâ, dyspepsiâ, &c. quæ sunt crassiorum succorum fœtus, universæ illius vires inertes sopitæque latent. Si ergo functiones, motus-vè liquidarum ac solidarum corporis partium ab animâ: maximo sit argumento eò vegetiorem esse coctricem illius facultatem quo vividiores spiritus, calor, succi digestivi, partiumque organicarum coctionibus inservientium actiones,

NULLÆ in nobis functiones, sanguinem si tol-
 las; eas producturus ipse è corde in omne cor-
 pus exploditur. Crassior, mole & inertia gravis, per
 aortam descendantem propè cor reflexam deorsum
 fertur. Tenuior, vividiorque rectæ lineæ amantissi-
 mus sursùm, per arteriam rectâ ascendentem. Hic
 cerebri superficiem alluens in glandulis, quæ substan-
 tiam illius cineream formant, succo salis Ammoniaci
 simillimo rursus comminuitur; ut ejus particulae qua-
 si ætheream naturam nactæ vicinos cerebri tubulos su-
 bire queant. Hæ si copiâ penitiores cerebri incant,
 redeantque vias, diversis earum impressionibus, varias
 in anima cogitationes excitaturæ, modificantur; quod
 si ulterius, in nervos scilicet per totum corpus ex-
 pausos, diffundantur; eos, vel per se, ac suâ sponte
 commovent, vel habiles reddunt, ut externo impul-
 su moueantur, & acceptam impressionem ad cere-
 brum, ibi ab animâ percipiendum transferant. Hæc
 omnia dum peraguntur, liberum putes functionum
 animalium exercitium; secus sentias, si tenuiorum
 harumcæ particularum penuriâ concidat cerebrum,
 laxaenturque nervi: In hoc enim somnus, in illo
 vigilia posita est, in quâ calorem, spiritus succos
 digestivos, & partium organicarum coctionibus infer-
 yentium actiones longè vegetiores agnoscas.

CALOREM à peculiari, non ab omni, motu repetas. Non sola quies frigoris causa: multa moventur, quæ frigida sunt. Caloris subiectum, spiritus: hi inter se naturâ suâ pares, tamen varii: discriminis ratio à particularum heterogenearum permixtione: illi equidem in corpore nusquam sincere; etiam in ipso cerebro, ubi puriores, habent semper aliquid admixtum: multa ejus delicatule substantiæ rumpunt aditus. Succus digestivi solidioris, crassiorisque naturæ sunt; ex se inertes & ad motum minus idonei, penetrantes tamen admodum, & maximus, si ab externâ causâ concitentur: Partium organicarum actiones non absque fibrarum, quibus contextuntur, auxilio absolvi putes. Fibrarum vis à spiritibus, forsitan ab arterioso sanguine: si enim arteria prematur constringaturvè, perit motus partis, in quam dispregitur, pariter si nervus. Utrum hæc omnia aut in vigiliâ, aut in somno vigeant, facile innotescet ei, qui superius recensitam utriusque causam meminert. Hic sanè imbecilli calorjs, illa fortioris, hic segniorum humorum, illa vividiorum soboles. In somno enim, quæ minor fit triplicis substantiæ dissipatio, excrementorum suppressio, sensuum quies, omnium ferè motionum cessatio, illi tandem succedens cibi fastidium, obtusum profectò calorem, maximamque liquidarum, ut solidarum, corporis partium inertiam ar-

guunt. In vigiliâ verò, cur mentis vigor? cur omnis motus facilitas? cur libera excrementorum egestio? cur denique vigilia vorax esset? nisi in eâ calor, spiritus, liquores digestivi, partiumque organicarum coctionibus inservientium actiones, essent multò vetiores.

V.

SOMNUS coctionum hostis censeatur. Qui secus sentit, erroris sui vel pertinaciæ penam luat, haud enim se, nondum subactis alimentis, tradat somno; quin ab ipso excitatus statim se se malè habeat; insensam in ventriculo gravitatem ferat; fordidos ructus turpiter emittat; diris vexetur flatibus, qui in intestinis præsertim & in ventriculo suas agant tragœdias; crassis halitibus tumeant corporis partes; ingrato sapore castigetur gustus; cerebro humidis recrementis impleto, mens torpeat: Catharri, gravativus capitis dolor, etiamnum sopor ipse sint præjudicatæ opinionis argumenta. Sis alterius malis cautus: ne comedas: nisi vigilare possis; donec saltem majori ex parte coctus sit assumptus cibus. Da manus experientiæ rationi conjunctæ; ne institutis & præjudicio tenearis. Utilem adeo coquendi facultatem recrementorum, quæ per somnum gignuntur, pondere sopitam credas. Nec minùs langueant ea omnia, quibus ad peragendas coctiones, tanquam instrumentis utitur; sive quòd ab ipsâ imbecilliore con-

citari nequeant; sive quod jam concitata iisdem recrementis pariter obtundantur: non secus ac spiritus nitri, qui uberioris aquæ admixtione hebescit, vimque illam deperdit, quâ mineralia metallaque plurima solvere poterat. Expende contrariorum leges, & certo tibi constabit omnia in nobis per vigiliam maximis pollere viribus.

Ergo facultas coëtrix in vigilia vegetior.

Domini Doctores disputari.

*M. Paulus Mattot. M. Petrus Lombard. M. Carolus Marteau.
M. Carolus le Long. M. Philippus Mathon. M. Iacobus Renant.
M. Ludovicus Morin. M. Raymundus Finor. M. Franciscus Pijart.*

Afferebat Parisiis ANTONIUS VARIN Parisiens;
Baccalaureus Medicus. A. R. S. H. 1685.

Apud Viduam P. BOÛILLEROT, sub ingressum vici sancti
Andree ab Arcubus, in fine pontis sancti Michaëlis, ad boni
Protectoris insigne, & primam cameram.